

泉州府志

卷之十四

卷之六十一

泉州府志卷之六十

篤行

明篤行四

諸葛希孟

黃鐘聲

陳足

蘇商霖

林晃

顏猷

李暹祥

柯香

黃維瓊

陳士欽

傅爾鰲

李仲春

留汝亮

周國賓

王埤京

黃懷

林宗濂

林豫宗

茂先

王居毅

王承標

黃逢春

陳正鉉

莊天夔

陳安

陳珊

黃喬石

陳霖

陳圻

蔣懷忠

蘇思義

吳達一

郭榜

蘇震亨

池浴沂

王三聘

陳廷佐

蔡祚

洪守愚

杜應碩

史繼蕃

林光肇

陳有斐

曾守吾

梁大磐

楊士仁

洪啓夏

李正培

曾可傳

諸葛希孟字毅之號守吾晉江人少食貧與兄貸富人金
浮海爲生卒大困富人操子母來算先世遺產殆盡乃
入府爲椽太守童漢臣謂其質行不可及文學足相資
雅推重之既遷秩強與偕行辭曰小人有母遂不能強
圖其像與自像共爲一幅而去未幾棄椽奉母菽水盡
歡處從兄弟與從兄弟之子甘苦與共有無相通卽數
百金忘其出入第受成紙上外及姻婭知交咸倚爲外
府與人若棄假人若忘晚值倭難家復落几素受其德
者絕不一過謁與一二故舊斗酒相勞恬如也子應科

黃鐘聲字有元號鳴南南安人爲郡諸生方四歲時羣兒嬉逐鐘聲獨設至聖先師位拜跪揖讓如禮人咸異之九歲能文十三歲入郡城就師紫雲寺初受易棄去習毛詩十六歲始習戴記旁搜羣摭章分節解脉絡貫通成一家言前集四百餘帙後集幾二千帙皆手書厭時義靡弱爲文一本宋箋飾以古文詞元思入妙字宗趙米詩倣初唐卓然有聲年二十府試及入庠皆第一自是累試前矛補饒省辟屢薦幾遇復厄辛酉報罷後走

謁太守程秀民於他郡途中染病歸家不數日卒年三十四屆貢期五年耳鍾聲性至孝戊午母患冠山莊冒疾聞信簑笠狂奔暴雨中三十里渡無舟涉水濡首幾溺者再攜醫扶藥凡三往返遣妹撤妻奩資之父豪於遊屢堂滿鐘聲以廩入供帳無稍缺族有閒地受勢家所漁爲白於官歸之其行誼皆卓卓可紀云予鼎象萬歷乙酉舉人南雄通判孫啓漸順治甲午舉人固始知

縣

節黃調
五狀

陳足字世裕號約齋晉江安平人天性孝友襄父母大事

獨任勞勩與四昆二弟處推肥擇瘠無閒言弟有業儒者積毫膏燭俱於足取辦居家衣褐茹荼不知人世紛華里中恂恂遇豪少年輒引匿人自愧屈諸昆季與同里龔氏有遺言將尋戈矛龔爲足妻黨人咸爲咋舌足談笑以紓龔涕泣道諸昆季不踰晷而兩家難解歲大祲有橐金來糴者遺金其舍顧疑他肆匿之紛呶竟日足俯視舍中有金亟追還之亡金者得故物而他肆免匿金之疑兩俱踰地拜謝鄉人傳之年四十九卒李叔元爲銘其墓曾孫應春萬歷癸卯舉人庚戌進士戶部

主事歷雲南副使

節李龍巢文集

蘇商霖字德說號少泉同安人宋魏公頌之後勿失怙奉
祖父撫幼弟發憤其業弱冠爲諸生遽超矩矱大義凜
然讀書好觀大意生平極慕伍員諸葛亮謂二人所處
極難耳又曰凡人立志宜高中夜嘗把古人好事思量
一番心便軒豁如堯舜禪受何等氣象一以天下與人
一以匹夫受天下更有何物掛碍胸中念到此便覺灑
然素履儉約一裘十餘年絕不經意錙銖性孝友居祖
父母父母喪哀毀幾絕諱日必號慟季弟計自粵走數

千里歸其櫬仲弟歿僅遺孀孫偶遭危疾涕泣籲天願
以已子代卒無恙持先世積行請督學入邑志郡守朱
炳如爲紀世行大書饒之邑人榮高族祠燬倡首更新
未幾王而歿年五十八孫國翰萬歷丙午舉人吉安同

節清白
堂稿

林晃字遠昭號靜軒同安人牧子生而持重慧與年進父
早春避流賊山中獨留晃守舍露宿水食中濕得瘧疾
醫弗効築軒居之署曰靜終身無機事厄詞事父母無
怠每失意大誦予杖拜受無忤客友于仲弟翕就無聞

田產取硯礪者僅指服物器用取贏餘者曰吾安而習也剛直好面折人過人知其無他皆諫之初有田十畝坐食漸耗家四壁立行一杖坐臥一榻榻爲穿無困苦意時掉臂獨吟聲出金石有欺侮者不與較年六十卒子一柱萬歷庚戌進士歷官御史

節遜菴集

顏猷字道謙號靜山晉江安平人幼喪父哀毀如成人旣長受室食貧乃持籌于比齊南粵以其餘供母及諸昆迨母兄繼沒喪往贍居獨力支撐家計旣饒饒橐不復出募金陵風景攜筇一逵歸課子儒業與田天野老談

桑麻自適里中貧待饑喪待殯緩急待濟者皆愜意去
漳人某嘗貸猷三百金已還而券猶在其子不知某歿
猷往吊其子以爲索償來也告以故且還其券族人謀
掘祠堂得其居而難於言猷慨然捐居室以成之年七

十六卒

節河
干集

李暹祥字崇卿號續序少名堯祥字體卿以入太學改今
名晉江人泰政熙子少讀書不敏於論一笥腹中終身
不忘性厭繁華見羣兒服紈綺者唾之單衣大布自適
也兒捕雀相投輒放去曰樂生惡死凡物皆然吾故不

忍殺奈何羈樊中八歲父成進士讀書中秘暹祥益發
憤力學及父擢兵科給事隨之京邸捷戶洛誦而已既
而父丞南豐令寧國曹留都宦轍所至俱與偕殫精治
舉業復舊其餘勇代父典掌記語戶內錢穀米鹽出納
委輸無不經手迨父出守高州不復之官節約纖悉毫
不妄費家書關白未嘗以盈縮請父卒於河源捫踊赴
之輿櫬歸三年哭泣如禮檢遺篋及贈賻計二千金悉
奉母與二弟已不取贏晚事母益謹甘旨之供竭力應
之親友告急未嘗以無爲解屢試有司不利乃入成均

友天下士父遺書及生平撰著收藏以訓子孫一切書畫器玩難得之貨皆所不儲中年喜作詩酒不能一斗醉後高歌譚說祖先往事泣數行下年未及壽而卒

景節

璧集

柯香字子蘭號治宇晉江安平人少與妹夫蘇濬同學濬自謂天資不若香學成不售乃棄去守舊室遺田孝親愛弟聞人困乏隨力施與遇拂逆事情恕理遭絕無不平見於顏面口無滄訛心無町畦無所攬挹亦無所矜厚生平足不窺園不問米鹽不曉握算抱璞守真老而

彌邵郡大夫禮以賓筵謝弗往錫以弁帶謝弗服或強
其一服輒匿之曰不如角巾布袍爲適也蓋老氏所謂
常德不離復歸於嬰兒者年七十一無疾而卒容貌如
生若尸解羽化焉

節河干集參景璧集

黃維瓊字俞瓊號敬堂晉江安平人祖及父客死於粵間
闕扶柩歸葬養母撫弟拮据辛勤割橐中及田充會祖
祀事與繼會祖母養殮又推以贍其伯父及孤姪素負
幹濟才凡族中大祭大喪大燕饗以及貧當賑孤當卹
患難當排悉推瓊爲經紀卽里中諸事亦倚辦脩城以

建鎮館皆與其役脩西塔建神山觀則維瓊獨主之他
以緩急扣門者未嘗以事諉焉

節河
于集

陳士欽字敬甫號懷芹晉江安平人少習舉子業及冠父
毀瘠幾不自存事母曲意承歡歿居喪如喪父弟復
天獨肩家計學業就荒時當兵焚田廬邱墟祠宇亦
燬衆苦力詘士欽曰營室先廟禮也鳩族拮据成之廟
貌一新生平處約守雌無機心機事迫意有所適則不
計有無中有不平衡口而出無所忌諱人亦諒其無他
晚年與里閭舊好爲真率會叱嗟肴餼拍浮酩酊至篤

老猶能蹣跚劇戲場中如嬰兒狀其任性無町畦人比之無懷葛天氏卒年八十有一

節河
于集

傳爾鰲字孟驂號瑞超晉江人雲南副使道唯子生四彌月偶曬席庭中席忽飛騰入雲兩鳶隨之而風日顧恬霽人謂瑞徵稱長魁梧邁爽質頗魯而篤志力學弱冠爲諸生才鋒颯起課子每至忘寢乙卯與子元初同應試子獲雋成辰成進士而已卒不售乃謝青衿受封時父尚無恙三世袍笏焜耀一堂子爲浮梁令勗以潔已奉察與諸封君爲翼祺社會構小樓曰築蠟